

## Universitätsbibliothek Paderborn

**De Honore, Dignis Vel Indignis, Jvste Vel Invste, Deo  
Semper Jvstissimo, Dato, Negato, Violato**

**Stengel, Georg**

**Ingolstadii, 1650**

§. 8. Peccatoris malè in templum intrantis, & bene exeuntis conuerso.

[urn:nbn:de:hbz:466:1-48689](https://nbn-resolving.de/urn:nbn:de:hbz:466:1-48689)

dicamus, quoniam potens est peccata remittere.  
Ad hoc exordium facta est ingens attentio,  
& compressio populi, dum voluit quisque  
proximus esse dicenti. Quietē silentioque  
dato, ordine recensuit, quid ingredientibus  
& egredientibus illis in domum sacram, sibi  
Deus reuelārit. His narratis, digito virum  
designauit, cuius tam admirandam muta-  
tionem vidisset, obtestatusque illum est ut,  
ad Dei gloriam, & totius populi utilitatem,  
causam tantæ mutationis manifestaret.

§. VIII.

*Peccatoris male in templum intrantis, & bene  
exeuntis conuersio.*

Hic ille partim oratione Pauli, partim  
interno Spiritus impulsu incensus & com-  
motus, attonitis omnibus, hæc palam recen-  
suit: *Peccator ego sum, heu miserrimus ego* Psal. 37. 6: *sum peccator! Nec peccator tantum, sed diu,*  
*pro dolor, in peccatis hæsi. Putruerunt & cor-*  
*ruptæ sunt cicatrices meæ, a facie insipientiæ*  
*meæ. In luxuria vixi, de impuris rebus audi-*  
*re, musica fuit mea; de spurcijs loqui hymni*  
*mei; seduci & seducere, mibi perinde fuit; &*  
*quid multis aures vestras contaminabo? quasi*  
*equus ad omnes feminas adhinciebam, neque se-  
cns ad templum ipsum festinavi, ac si frano du-*

310 Cap. XV. Pauli Simplicis visio,

Eius ab insidente calcaribus urgerer. Neq; mens  
mea fuit, in templo orare, more ceterorum:  
sed illuc properavi, non secus ac ad locum cho-  
rearum, ut puellarum & reliquarum femina-  
rum formas & vultus contemplarer. Hinc non,  
quaæ mihi debebantur, prima subsellia, sed me-  
dia, vel odea, vel etiam postrema occupavi, un-  
de scilicet prospectum, ad muliebrem sexum è re-  
gione stantem, habitum me commodiorem  
arbitrabar. Et talis quidem fui etiam hodie,  
quando hoc templum subiui. Sed, ô Dei infini-  
tam bonitatem! talis è templo non exiui. Qui  
enim fulmine, & morte, & igne aeterno dignus

Isa. 1. 16, eram, ecce audiui cantari verba Isaiae Prophetæ,  
immò ipsius Dei: Lauamini, mundi estote, au-  
ferte malum cogitationum vestrarum ab oculis  
meis: quiescite agere peruersè, discite bene face-  
re: querite iudicium; subuenite oppresso, iudi-  
cate pupillo; defendite viduam. Et venite, &  
arguite me, dicit Dominus: si fuerint peccata  
vestra ut coccinū, quasi nix dealbabuntur &c.  
Hac voce ego impurissimus mortalium ita per-  
culsus sum, ut magno cum animi mei dolore,  
ac pœnitentia, in conscientia mea, ad Deum  
clamauerim: Tu es Deus, qui in terram venisti  
ad liberandos peccatores; & qui hoc quoq; quod  
nunc lectum est, per Prophetam tuum promis-  
isti;

si; imple igitur hoc opere in me gratia tua, in-  
dignissimo peccatore. Ex hoc enim temporis mo-  
mento promitte vobis tibi, me mala illa non  
amplius patraturum, quibus ex animi mei sen-  
tentia renuntio, tibi mundo corde & corpore  
seruiturus; Hoc igitur die atque hac hora, o mi  
Deus, suscipe petitionem precesq; meas. Tali ani-  
mo propositoq; vita mea emendanda e templo  
exiui. Haec ubi dixit, ab omni vndeque po-  
pulo ad Deum est, vnanimi magna que voce,  
conclamat: O Deus, quam magnifica ta Psal. 31.6:  
sunt opera tua! omnia in bonitate fecisti, miseri-  
cordia tua plena est terra.

§. IX.

Quo modo ad templum eundum, & orandum,  
ut exaudiamus?

Vtinam & nos omnes, qui ad orandum  
conuenimus, sic possemus exclamare! Non  
dubito enim, si Paulus simplex hic esset, cum  
visurum alios quidem ardentes & lucentes,  
& latum Angelum secum habentes; alios  
autem vndeque contaminatos, quos plures  
dæmones catenis vincitos trahunt, & du-  
cunt quocumque volant: qui si Spiritum  
S. ipsum contristant, cur luctu Angelum  
suum non afficiant à se longè remotum?  
Quibus hos non lachrymis prosequi par est,

V 4

cum